



Nunaqarfinni aqutsisut isumasioqatigiinnerat
Nuuk - maj 2018
Malitseqartitsinissamut allakkiaq





Imarisaa

Isumasioqatigiinnermi angusanik malitseqartitsineq.....	3
”Nunaqarfimmi aqutsisut iluaqutaasut – taaguutaannaangitsut”	4
1.1 Nunaqarfimmi aqutsisut oqartussaaqataanerat, pisinnaatitaaffiit atuuffiilu	4
1.2 Nunaqarfimmi innuttaasut peqataatinneqarnerat oqartussaaqataanerallu	4
1.3 Bygdepulje pillugu aaqiissutissatut kissaatit	4
1.4 Kitaani Kangianilu atugassatitaasut eqqumaffigineqarlutik assigiissaarneqarnissaat	5
Nunaqarfimmi inuussutissarsiutinik siuarsaaneq.....	6
2.1 Aalisarneq	6
2.2 Takornariaqarneq	6
2.3 Tamaat isigalugu.....	6
2.4 Iliuusissat	6
Inuttut nukissaqassuseq, inuuneq naleqarluartoq, kulturi uummarissoq	8
3.1 Atuartitaaneq & kulturilu	8
3.2 Imigassaq, atornerluineq aamma pitsaaliuineq	9
3.3 Suliffissaaleqineq, siusinartumillu utoqqalinersiuteqarneq.....	10
3.4 Sunngiffimmi sammisassat	11
Nunaqarfimmi misingersuut, Upalungaarsimanermut suliniutit, Sanaartugassat aammalu Teknikkikkut ingerlatsinermi suliniutit	12
4.1 Nunaqarfimmi misingersuut.....	12
4.2 Takstbladit nalimassarneri	12
4.3 Upalungaarsimanermut pilersaarutit	13
4.4 Sanaartugassat	13
4.5 Teknikkikkut ingerlatsinermut suliniutit	13



Isumasioqatigiinnermi angusanik malitseqartitsineq

Nunaqarfimmii aqutsisut Nuummi isumasioqatigiinneraq pivoq ulluni 13. 14. 15. maj 2018 Nuummi kommunalbestyrelsip ataatsimiittarfiani.

Isumasioqatigiinnermi qulequttat sammineqarsimasuni angusarineqarsimasut malitseqartinneqarnissat uani allakkiami siunertaavoq.

Malitseqartitsinissami allakkiaq immikkoortunut sisamanut agguarneqarpoq:

1. Nunaqarfimmi aqutsisut iluaqutaasut, taaguutaannaangitsut.
2. Nunaqarfimmi inuussutissarsiutinik siuarsaaneq.
3. Inuttut nukissaqassuseq, inuuneq naleqarluartoq, kulturi uummaarissoq.
4. Nunaqarfimmi misingersuut, Upalungaarsimanermut suliniutit, Sanaartugassat aammalu Teknikkikkut ingerlatsinermi suliniutit.

Isumasioqatigiinnermi oqariartuutigineqarsimasut qulaani qulequttani sammineqarsimasuni immikkoortunut marlunnut immikkortinneqarput:

1. Politikkikkut oqariartuutit.
2. Suliniutissat siunnersuutit aammalu kissaatit.



”Nunaqarfimmi aqutsisut iluaqutaasut – taaguutaannaanngitsut”

Qulequttani sammineqarsimasuni: “Nunaqarfimmi aqutsisut pisinnaatitaaffiit aammalu atuuffiit”, “Kommunalbestyrelsimut ilaasortanngortitsisinnaaneq”, “Nunaqarfinnut aningaasaliissutit”, “Innuttaasut oqallittarfissaat” aammalu “Nunaqarfinnut angalaneq” politikikkut oqariartuutit qulequttanut sisamanut eqikkarneqarsimasut ataani atuarneqarsinnaapput:

Politikkikkut oqariartuutit:

1.1 Nunaqarfimmi aqutsisut oqartussaaqataanerat, pisinnaatitaaffiit atuuffiilu

- Nunaqafiit avinngarusimasut aammalu ataatsiakkaanik ilaarsortaqaqtut eqqarsaatigalugit atugassarititaasut siunissami oqilisaavigineqarnissaat kissaatigineqarpoq. Qinigaaffiup tullissaanut Nunaqarfimmi aqutsisut avinngarusimasuniittut aammalu kisermaasutut misigisimasut atugassarititaasa pitsanngorsaavigineqarsinnaanersut nalilersorneqarsinnaanera eqqaaneqarpoq.
- KANUNUPE aqqutigalugu nunaqarfimmiit Kommunalbestyrelsimut ilaasortanngortitsisoqarsinnaanera sulissutigineqarsinnaavoq. Nunaqarfinni aqutsisut pisinnaatitaaffiisa siunissaq eqqarsaatigalugu annertusarneqarnissaat sulissutigineqarnissaa kissaatigineqarpoq. Kitaaniit aammalu kangianiit immikkut ilaasortanngortitsisinnaaneq aamma eqqaaneqarpoq.

1.2 Nunaqarfimmi innuttaasut peqataatinneqarnerat oqartussaaqataanerallu

- Nunaqarfiiit Kommunalbestyrelsimut aammalu ataatsimiititanit ataavartumik tikinneqartarnissaat kissaatigineqarpoq.
- Innuttaasut qanimut peqataatinneqarnissaat pingaartinneqarpoq. Nunaqarfinnut paasissutissiineq annerusoq kissaatigineqarpoq.
- Innuttaasut oqallittarfissaannit pilersitsinissaq kissaatigineqarpoq. Tassuunakkullu Nunaqarfinni oqartussaaqataaneq soorlulusooq politikikkut oqallinnerit ullumikkut erserunnaariartulersimanagerat aaqqiivigineqarnissaat pingaartinneqarmat. Oqallittarfik innuttaasunik aqunneqarnissaa kissaatigineqarpoq, tassanilu oqariartuutigineqarluni najugaqavissut namminneerlutik oqallinnissaat pingaaruteqartuusoq. Oqallittarfik suliffeqarfiit suleqatigineratigut, kontaktgruppit aammalu peqatigiiffinnik pilersitsineratigut ingerlanneqarsinnaasoq aamma eqqaaneqarpoq.
- Innuttaasut oqartussaaqataanerat annertusarneqassappat aamma pingaartinneqarpoq innuttaasut qanimut suleqatigineqarnissaat.

1.3 Bygdepulje pillugu aaqqiissutissatut kissaatit

- Bygdepulje-mi aningaasat ukiumut atunngitsuukkat soorlu sanaartornikkut aammalu teknikkut suliassat suliarineqanngitsoorsimasut ukiumut tulliuuttumut nuutinneqartarneri 100%-tiunissaat kissaatigineqarpoq.



- Bygdepuljemi siunertanik akueriurineqareersimasunit nuussilaarsinnaaneq kissaatigineqarpoq, naak aningaasaqarnermut inuussutissarsionermillu ataatsimiittamik akuerineqanngikkaluarlutit. Periarfissatuttaaq aamma eqqaaneqarpoq siunertat ammanerusumik oqaasertalersorneqarsinnaanerat, taamaasiornikkut eqaannerusumik aningaasat siunertat iluanni assingiingitsunut atorneqarsinnaaneri periarfissaalissamat.

1.4 Kitaani Kangianilu atugassatitaasut eqqumaffigineqarlutik assigiissaarneqarnissaat

- Kitaani aammalu kangiani atugassarititaasut assigiissaarneqarnissaat kissaatigineqarpoq.
- Nunaqarfiit tamarmiusut (aqutsisoqarfiusut) ukiumut ataatsiarlutik tikinneqartarnissaat Nunaqarfimmi aqutsisunit kissaatigineqarpoq.
- Nuup kangianiit avinngarusimanera pequtaalluni Tasiilaq kangiani Nunaqarfimmi aqutsisunit ataatsimoortarfissaatut kissaatigineqarpoq, soorlu missingersuutinut kissaatit marsimi sammineqarnissaannut atatillugu aammalu nunaqarfimmianingaasaliissutit novembarimi Tasiilami naapeqatigiinnermi sammineqarnissaat kissaatigineqarluni.

Suliniutissatut siunnersuutit aammalu kissaatit:

- Nunaqarfimmi aqutsisut pisinnaatitaaffiit pillugit nunaqarfimmi innutaasut ilisimatinneqarnissaat Nunaqarfimmi aqutsisunit kissaatigineqarpoq.
- Kommunalbestyrelsi aammalu ataatsimiittitat ataatsimiinnerminni oqaluuserisaat aammalu imaqarniliaat eqqaatitsissutissatut nassiunneqartarnissaat kissaatigineqarpoq.
- Teknikkut suliassat pillugit Sanarfinermut Avatangiisinullu ingerlatsivit toqqaannartumik qanimut suleqatigineqarnissaa kissaatigineqarpoq. Soorlu nunaqarfinni vejformandit aammalu arbejdslederit.
- Nunaqarfinni suliassanut tunngatillugu paasissutissiineq pitsaaneq ujartorneqarpoq
- Kommunip suliffeqarfiutaanut tunngatillugu akisussaaffimmik annertunerusumik tiguisoqarsinnaanissaanut periarfissanik misissuisoqarnissaa kissaatigineqarpoq.



Nunaqarfinni inuussutissarsiutinik siuarsaaneq

Kommuneqarfik Sermersuumi inuussutissarsiornermut tunngatillugu massakkumut suliuniutit saqqummiunneqareernerisa kingorna eqimattani marlunni aalisarneq aammalu takornarialerineq pillugit oqallinnermi pingaarnertut nunaqarfinni aqutsisunit siunnersuutissatut ataadni allaqqasut katersorneqarsimapput. Siunnersuutigineqartut Kommuneqarfik Sermersuup Inuussutissarsiornermut pilersaarutaanut 2019-mut (Erhvervsplan 2019) immiussassatut ilannguneqarput:

2.1 Aalisarneq

- Nunaqarfiit piorsaavigineqarneri
 - Nunaqarfinniit Kuummiuni aalisakkerivimmut qalerallit assartornissaannut najukkani angallatit atorineqarlik
 - Kuummiuni aalisakkerivimmi Qerititsiviup imartussusaa annertusarlugu
 - Ukioq kaajallallugu tunisisarneq tapersorsorlugu
- Imarsiornermik ilinniagaqarneq
 - Angallassisinnaanermut uppersarsaat, kiisalu imarsiornermi pikkorissarnerit allat
- Aalisakkat piniagassallu pisassiissutit amerlanerusut
- Piginneqatigiiffimmik (Anpartsselskab) pilersitsineq
- Aalisarneq pillugu oqaaseqartartumik pisariaqartitsineq

2.2 Takornariaqarneq

- Suliassaqarfik pillugu ilisimasaqarnerunissaq piginnaasaqarnerunissarlu pisariaqartinneqarput
 - Najukkani angallassisartunik
 - Kommunip allaffiini sulisut piginnaasaannik siuarsaaneq
 - Inuussutissarsiuteqarnermi pineqartumi periarfissat pillugit paasissutissanik pisariaqartitsineq
- Najooqutassat pilerinartut
 - Nunaqarfiit eqqiluutsuutillugit
 - Nunaqarfinni illunik qalipaaneq

2.3 Tamaat isigalugu

- KANGIANI/KITAANI inuussutissarsiuteqartunik kiffartuussinerup nalimmassarneqarnissaa
 - Nunaqarfinnut paasissutissiisarneq attaveqatigiinnerlu annertusillugu, assersuutigalugu
 - Umiarsuit takornariartaatit pillugit
 - Piniarnermi aalisarnermilu periarfissat tapersersuinikkullu aaqqiissutit
 - Sillimmasiissutitut tunngasut
 - Piniarnermut allagartat
 - Internetip killeqarnera pissutaalluni naqitat eqqaamallugit.

2.4 Iliuusissat

- Nunaqarfinni aqutsisunik oqaloqatigiinneq annertunerusoq (TLC)



- Periarfissat pillugit paasissutissiisarneq (pappilissatigut) annertusillugu, soorlu nunaqarfinni aqutsisut aamma kommunip nunaqarfiini allaffiit aqutugalugit.
- Aalisarnermut siunnersortinik suliniuteqarneq
 - Piniartuunermut aalisartunngornermut suliniutit nangeqqinneqarnissaat/annertusarneqarnissaat
 - Piginneqatigiiffimmik (tunitsivinnik) pilersitsinissamut tapersersuineq
- Takornariaqarneq
 - Tasiilami takornarialerinermit ilinniakkap pilersinneqarnissaanut tapersersuineq – najukkami angallassisartut
 - Piginnaasanik ineriartortitsineq
 - Paasissutissiisarneq annertusillugu



Inuttut nukissaqassuseq, inuuneq naleqarluartoq, kulturi uummarissoq

Nunaqarfimmi aqutsisut siulittaasuisa oqalugiaataat aallaavigalugit aammattaaq eqimattani oqaloqatigiilluni avitseqatigiinnerni oqariartuutigineqartut ataani allaqqapput.

Politikkikkut tamakkiisumik qulequttamut oqariartuutigineqartut:

- Nunaqarfimmi aqutsisut erseqqissaasutigaat inuuniarnermi atugassarititaasut kitaani kangianilu assigiinngimmata naak kommuni ataasiugaluartoq. Kissaatigineqarporlu Kommuneqarfik Sermersuumi nunaqarfiit sutigut tamatigut assigiinnerusumik atugassaqartinneqarnissaat.
- Kangiani nunaqarfimmi innuttaasut kitaamisulli periarfissaqatigerusuttut oqaatigineqarpoq. Soorlu inooriaaseq oqinnerusoq, nioqqutissat ukioq kaajallallugu pigineqartut, sunngiffimmi sammisassat soorlu minihalleqarneq, katersortarfeqqarneq allatigullu sukisarsarfissat, sunngiffimmi ornitassat kangiani killeqarneri eqqaaneqarlutik. Soorlu oqaatigineqartoq kitaani nunaqarfiit "pisoorsuupput".
- Nunaqarfimmi fitness, minihalle, katersortarfeqqanik kateriffiisat allatigullu ataatsimorfissat pigineqarput, tunumili nunaqarfimmi pigineqannginnerat uggorineqarpoq. Kommuni ataaseq atugassarititaasut ataasiusussaagaluarput.
- Aammattaaq ersarissaasutigineqarpoq kitaani kangianilu ajornartorsiutit assigiinngimmata.

3.1 Atuartitaaneq & kulturilu

Atuartitaaneq - Politikkikkut oqariartuutit:

- Nunaqarfimmi lpads atulernerneqarnissaat qilanaarineqarpoq
- Illoqarfiit annerit nunaqarfimnilu atuarfiit akornanni suleqatigiinneqa annerusoq kissaatigineqarpoq
- Atuarfimmi ilinniartitsisut akornanni akerleriinneq pisinnaasarmat, meeqqanut sunniuteqarsinnaaneri eqqumaffigineqarnissaat kissaatigineqarpoq
- Ungasissumiit atuartitsinerit iluatsilluarnissaat eqqarsaatigalugu misilittakkallu eqqarsaatigalugit atuartistinermi init atorneqartut angissusaat aammalu ilinniartitsisut pisinnaataa apeqqutaalluinnarput. Taamaattumik siunissami ungasianiit atuartitsisarnerup pitsaanerusumik ingerlanissaa eqqarsaatigalugu misilittakkat eqqumaffigineqarnissaat kissaatigineqarpoq.
- Ilinniartitsisunut tikittussanut pitsaasunik inissaqartitsinissaq pingaaruteqartoq oqaatigineqarpoq.
- Nunaqarfimmi naalannginneq annertusiartortoq oqaatigineqarpoq, tamannalu immikkut iliuuseqarfigineqarnissaat eqqaaneqarluni. Angajoqqaat aammalu atuarfeqarfimmi



suleqatigiinneq pitsaannerusoq ujartorneqarpoq. Angajoqqaat atuarfiillu qanimut suleqatigiinnerusariaqartut oqaatigineqarpoq, suleqatigiinnikkut meeqqanut atuartsisarnep toqqissisimanarnerulernissaa anguneqarsinnaasoq eqqaaneqarluni

- Meeqqat atuarfianni atuarunnaarlutik ingerlaqqinngitsoortarnerat iliuseqarfinissaa kissaatigineqarpoq. Ilinniarnissamut soqutiginninnerat appartinnaveersaarlugu, ilinniagaqarnissaasalu qulakkeernissaat kaammattuutigineqarluni.
- Atuartut anginerit elevhjemminut nuuttarput, tassungalu atatillugu skype atorlugu angajoqqaanut attaveqartarnek kissaatigineqarpoq. Meeqqat angajoqqaallu akornanni attaveqarnerulernissaa kiissaatigineqarmat aammalu angajoqqaat meeqqamik atuarnernannut malinnaasinnaanerat pitsaannerusoq kissaatigineqarmat.

Katersortarfiit - Politikikkut oqariutuutit:

- Kulturi tammariartortoq eqqaaneqarpoq. Nunaqarfimmi nammineq aaqqissuussineq ingerlanneqarneq ajorneqarpoq.
- Kommuneqarfik Sermersooq katersortarfiit innaallagissamik aammalu kiassarnermut qaammatikkaarlugit akiligassai akilerneqarsinnaalersimanagerat tigulluarneqarpoq.
- Katersortarfiit kommunimut atasut ingerlalluurtut oqaatigineqarput, piffissanilu aaliangersimasuni atorluarneqartarlutik. Kommunimulli atanngitsut ingerlalluanngitsutut eqqaaneqarlutik.

Iliuseqarnissamut kissaatit - Politikikkut oqariutuutit:

- Katersortarfiit siunissaat pillugu nunaqarfinni atugassarititaasut assigiissarneqarnissaannut tunngatillugu politikikkut oqallinneqarnissaa kiissaatigineqarpoq
- Susasaqartitsineq eqqarsaatigalugu iliuseqartoqarnissaa kissaatigineqarpoq.

Tivaneq - Politikikkut oqariutuutit:

- Kulusuk kisiartaalluni meeqqanik tivanermik ilinniartitsiviusarpoq. Ilinniartitsisup angalalluni ilinniartitsiartornissaa periarfissaasoq oqaatigineqarpoq.
- Kulturimut nammattakkamit suliniummit nunaqarfinimut aqutsisunut saaffiginnittoqarnissaa siunnersuutigineqarpoq, Nunaqarfinilu aqutsisunit kulturimut tunngasut pitsaasut atorsinnaasavut nalunaarutiginnissaat kissaatigineqarluni.

3.2 Imigassaq, atornerluineq aamma pitsaaliuineq

Kitaani kangianilu nunaqarfinni inuuniarnermut atugassarititaasut aammalu ajornartorsiutaasut assigiinnginnerat ersarissarneqarpoq:

Kangiani nunaqarfiit ajornartorsiutit:

- Angerlarsimaffinni aningaasanoornersuaq (nallukattarnersuaq)
- Imigassami atornerluineq.
- Immiortarnek, naak inerteqquataagaluartoq.
- Nunaqarfinni Kuummiit Sermiligaamilu innuttaasut 80-it missaat socialimiit pisartagaqarput taakkunanilu inuit 50-it missaat imigassamik aningaasanoorajunermillu ajornartorsiuteqarput.



Kangiani iliuseqartoqarnissaanut kissaatigineqartut:

- Imigassamat aningaasanoorajunnermullu ajornatorsiuteqartut iliuseqarfigineqarnissaat kissaatigineqarpoq.
 - Atornerluisut qanoq suleqatigiinnikkut ajunngitsup tungaanut aammalu annikinnerpaaffissaannut saateriarneqarsinnaappat?
- Pinaversartitsineq ersarinnerusoq ugartorneqarpoq.
- Immiorneq sprititornerlu nunaqarfinni atugaapput, tassunga suleqatigiittoqartariaqarpoq.
- Meeqqat inuusuttullu sulissutigineqarnissaat ersarinnerusoq ugartorneqarpoq:
 - Kinguariit tulliuuttut eqqorneqannginnissaat sulissutigineqarnissaa kissaatigineqarpoq
 - Ivigaaraasamik qallikkamik fritids aktiviteqarfissamik amigaatigineqarpoq.
- Nunaqarfinni aqutisut Kommunimi atorfillitaannut attaveqatigiinneq ersarinnerusoq ugartorneqarpoq.

Kitaani (Qeqertarsuatsiaat/Kapisillit) nunaqarfiit ajornatorsiutaat:

- Ikiaroorartumik atuineq
- Angerlarsimaffinni Bingo-ararneq

Iliuseqartoqarnissaanut kissaatigineqartut:

- Qeqertarsuatsiaani pinaversartitsinermi sulisoqarnissaa ugartorneqarpoq
- Peqatigiiffilerinerup ikorfartorneqarnissaat kissaatigineqarpoq
 - Peqatigiiffik Iliarsuk innuttaasunut susassaqtitsinermik pikkoriffeqarpoq aammalu arfininngornerit tamaasa unnukut imigassartaqanngitsumik unnuk immerneqartarpoq, tassa pinaversartitsineq.
 - SSPK (pitsaaliuineramik ataatsimiititaliaq) uninngammata uummarisssarnissaat perusuppaat.
 - Qeqertarsuatsiaani ukiut 30 – 40-t matuma siornatigut Blå Kors ersarinnikooqisoq ukiuni kingullerni ersarinnera tammarsimavoq, taamalilluni imigassamik atornerluineq ersarilluni.
 -
- Sunngiffimmi susassaqtitsineq aaluteqqilernissaa kissaatigineqarpoq
 - Ullumikkut sunngiffimmi susassaqtitsineq uninngavoq imal. annikinnerpaaffianiinngikkuni
 - susassaqtitsiniarnermi ingerlaterusuttut akissarsilarnissaat ilaasa perusuneqarmat ilaannikkut aporfigiuserpoq.

3.3 Suliffissaaleqineq, siusinartumillu utoqqalinersiuteqarneq

Politikkikkut oqariatuutit:

- Pisortanit ikiorsiissutit aningaasanngorlugit tunniunneqartarnerat uparuarneqarpoq, kissaatigineqarlunilu ikiorsiissutit aningaasanngorlugit tunniunneqartarnerat atorunnaarlugu rekvisitionimik tunniussisarnerup eqquteqqinneqarnissaa. Ullumikkut takussaammat ikiorsiissutit imigassamat, ikiaroorartumut assigisaanullu atornerqartut.
- Siusinaartumik pensionisiallit eqqarsaatigalugit sunngiffimmi susassaqtartinneqarnerusarnissaat kissaatigineqarpoq.
- Nunaqarfinni qulequttat pineqartut pillugit paasissutissiineq annertunerusoq kissaatigineqarpoq:



- Suliffissaaleqisut ilaannut akilersinnaassarsimangilaq vikarisut sulisarneq, aningaasat tunniunneqartartoq ulluinnarni inuussutigineqarsinnaassanngimmat. Qanoq iliuseqartoqarsinnaaneq kissaatigineqarpoq.
- Inuusuttunut suut tigussaasumik ersarissumillu periarfissaanersut nunaqarfiit allaffiini aammalu inuusuttunut annertunerusumik paasissutissiissutigineqartarnissaat maqaasineqarpoq, soorlu ilaatigut pikkorissarnissat suut periarfissaanersut ersarinnerusariaqarnerannik / takussaanagerusariaqarnerannik.
- Nunaqarfiit ilaanni ilisimaneqarpoq Royal Greenland sulisussarsiortillugu matchgruppe 1 aamma 2-miittut suliffeqarfimmut innersuunneqartartut. Ingerlatsiviup malittarisassat pillugit allakkatigut tamanut nalunaaruternissaat kissaatigineqarpoq.

3.4 Sunngiffimmi sammisassat

Kajumissutsimik sulineq - Politikkikkut oqariartuutit:

- Kajumissutsimik sulerusuttut nunaqarfinni amerlanerni pissarsiarinissaat killeqartoq oqaatigineqarpoq, taamaakkaluartorli nunaqarfeqarpoq nammineq kajumissutsimik sulerususseqartunik sulilluartunillu.
- Nunaqarfinni pikkorissartitsinissaq soorlu peqatigiiffilerinermut kissaatigineqarpoq.
- Nunaqarfinni peqatigiiffittut katersuiniarneq aamma ajornakusoortoq oqaatigineqarpoq.
- Aallartitsinissamut inuit tunuarsimaarutigisarpaat aningaasassaqaqannginneq. Tamannalu qaangeruminaattartoq iliuseqarfineqarnissaalu kissaatigineqarluni.

Susassaqartitsisarnerit - Politikkikkut oqariartuutit:

- Nunaqarfiit aqutsisui nunaqarfimmi susassaqartitsinissamut, soorlu inuiattut ullorsiornerit, meeqqat ulluat juullisiornerillu tapiisarpud. Taakkulu ingerlalluartartut aammalu nuannerineqarluarlutik nalilerneqarput.

Sunngiffimmi atuartitsineq - Politikkikkut oqariartuutit:

- Nunaqarfiit ilaanni ingerlalluartutut oqaatigineqarpoq. Nunaqarfiilli ilaanni ilinniartitsisussaqaqannginneq pissutaalluni ingerlanneqarneq ajorlutik. Ingerlatsisussarsiortnermi akissarsiasaqaqartarnissaq ussassaarutigalugu misilinneqarnissaa kissaatigineqarpoq.



Nunaqarfinnut misingersuut, Upalungaarsimanermut suliniutit, Sanaartugassat aammalu Teknikkikkut ingerlatsinermi suliniutit

Nunaqarfinnut pilersaarut 2017-2021-mi suliniutit killiffii aammalu nunaqarfinnut missingersuutit saqqummiunneqarput.

4.1. Nunaqarfinnut missingersuutit

Politikkikkut oqariatuutit:

- Aningaasaqarnermut paasissutissat aammalu ingerlatsinermullu tungasut nunaqarfikkaarlugit siunissami ersarissumik pappiaranngorlugit nassiunneqartalissapput.
- Taamatuttaat Nunaqarfinnut aqutsisunut tamakkiisumik ingerlatsinermi pisussat pillugit malinnaatitsisalernissaq kissaatigineqarpoq.
- Nunaqarfinnut tunngatillugu missingersuutiniq malinaasitsineq soorlu ingerlatsinikkut. Kommuneqarfiup tamaakkiisumik ingerlatsinermit aningaasaliissutaani nunaqarfikkaarlugit immikkortinneqartartut kisititsisinngorlugit ersarinnerulernissaat kissaatigineqarput. Tassuunakkut una aamma anguniarneqarmat nunaqarfinnut aningaasaliissutit (Bygdepulje) siunertanut agguaassanermut tunngavissaqarluarnissaq. Taamaattumik kommunimi ingerlatsinermit kisitsit nunaqarfinnut tigussaasunngortinneqarnissaat kissaatigineqarpoq.
- Nunaqarfinnut aningaasaliissutitut tunngatillugu sanaartugassat assigisaallu Nunaqarfimmi Sanarfinermut avatangiisinullu ingerlatsivik suleqatigalu ingerlanneqartarnissaat.

4.2. Takstbladit nalimmassarneri

Politikkikkut oqariatuutit:

- Kommunillu illuutaasa atorneqarnerannut akigisitat ullumikkumut tulluussarneqarnerat aammalu nalimmassarneqarnissaat Nunaqarfinni Aqutsisunit tamanit kissaatigineqarpoq.
- Kommunit illuutaasa pitsaassusaat aammalu atortussat allaffeqarfimmiit misissorneqarnissaat aammali malinnaavigineqalernissaat Nunaqarfinni aqutsisunit kissaatigineqarpoq. Oqaatigineqarpoq umiatsialiviit/sannaviit ullumikkumut naleqqukkunnaarsimasut, aserfallallutik, atortorissaarutigut amigaateqarneratigut.
- Sannavinnut/umiatsialivinnut malittarisassat nunaqarfinnut tuulluussarneqarnissaat kissaatigineqarpoq.



Suliniutissatut siunnersuutit aammalu kissaatit:

- Sanarfinermut avatangiisinullu ingerlatsivik peqatigalugu qulaani pineqartut aaqiivigineqarnissaat isumaqatigiissutigineqarpoq.

4.3. Upalugaarsimanermut pilersaarutit

Politikkikkut oqariatuutit:

- Saqqummiunneqartut aallavigalugit Nunaqarfinni upalugaarsimanermut pitsangorsaanissamut suliniutit tigulluarneqarput. Kitaani atorissaaruteqarluarneq iluarineqpoq, kangilanilu sulit pitsangorsaanissamik pisariaqartitsipput.
- Ilinniartitaanneq pingaartinneqarpoq.
- Sulissaqarneq amigaatigineqarpoq, nunaqarfimmilu innuttaasut kaammattorneqarput .

Suliniutissatut siunnersuutit aammalu kissaatit:

- Artortut privatimit atorineqartarnerat pinngitsoortinniarlugu tamanut ataatsimoorussamik malittarisassamik allakkialiortoqarnissaat kissaatigineqarpoq.

4.4. Sanaartugassat

Politikkikkut oqariatuutit:

- Saqqummiunneqartut aallavigalugit Nunaqarfinni massakkumut sanaartugassatut aammalu isaterinermut tunngatillugu sulitit tigulluarneqarput.

Suliniutissatut siunnersuutit aammalu kissaatit:

- Illut isatigassat pillugit Nunaqarfimmi aqutsisut aammalu illuliornermut oqartussat suleqatigiinissaat kissaatigineqarpoq.

4.5. Teknikkut ingerlatsinermut suliniutit

Politikkikkut oqariatuutit:

- Saqqummiunneqartut aallavigalugit Nunaqarfinni massakkumut ingerlatsinermut , soorlu eqqaaveqarnermut anartafilerinermullu suliniutit tigulluarneqarput.

Suliniutissatut siunnersuutit aammalu kissaatit:

- Nunaqarfimmi aqutsisut nunaqarfimmi peqqinnissamut aammalu ilorrisimaarnissamut tunngatillugu malinnaanissaat pingaartinneqarpoq, aammalu malittarisassati



malinneqarsimannginneranut tunngatillugu nalunaarutiginnittarnissaq kaammattuutigineqarpoq.